



**Suliffeqanngitsunut matchgruppe 1-imiittunut erngerluni sulilersitsiniartarneq atorneqartalertuuppat aningasaqarnikkut, allaffissornikkullu kingunerisassai misissorniarlugit nassuaasiornissamut Naalakkersuisut peqquneqarnissaannik Inatsisartut aalajangiiffigisassaattut siunnersuut. Nassuaat UKA2021-mi Inatsisartunut agguaanneqassaaq.**  
(Inatsisartunut ilaasortaq Simigaq Heilmann, Demokraatit)

Inatsisartunut ilaasortaq Simigaq Heilmann Demokraatit, siunnersuuteqarpoq suliffeqanngitsunut matchgruppe 1-immiitunut erngerluni sulilersitsiniartarneq pillugu aalajangiiffigisassamik siunnersuuteqarluni tassalu nassuaat UKA2021-mut nassuaasiortoqassasoq.

Nunatsinni suliffeqanngitsut eqqarsaatigalugit sukkasumik sulilersitsiniartarneq eqqunneqarnissaa pillugu nassuaammik saqqummiussinissaq ilumut utaqqissaneripput apeqqusersugassaavod.

Qanoq ililluta sukanerusumik aaqqissuussisinnaavugut, tassami inuusuttorpassuit ullumikkut amerlasuut iliniarfinni ammalu suliffeqarnermi tamakkiisumik atunngikkigut nassuerutissaammat.

Aammalu ilaqpugut inuttut ajornartorsiuteqartunik inuuniarnikkut aningaasatigullu atukkamikkut ilaatigut oqimaarsartunik. Ilaqpugut amerlasuunik suliffissaaleqisunik, ilaqpugut amerlasuunik angerlarsimaffeqanngitsunik. Ilaqpugut amerlasuunik inigisaminnik ilaqtariittut annaasaqarsimasunik. Aammalu ilaqpugut amerlasuunik illoqutigiinni inisimasunik allaat meeratalinnik.

Suliffimmik tigusissagaani soorunami tamatsinnut pitsaanerpajussaaq angerlarsimaffeqarnissaq. tassami toqqissilluni qasuversaarfissamik angerlarsimaffissaqanngikkaanni, ingerlaannaq suliffittaarsinnaanissaq takorlorneqarsinnaanngilaq, pingartumik ukiuni arlalinni angerlarsimaffimmik najugaqarsimanngikkaanni.

Ingerlaannaq sulilersinnaassagaanni aamma ikorsiissutit suliunnaarnermi qanoq ilusilerneqassappat, tassami ilimanangilaq ingerlaannavik ulloq naallugu aallartinnermi sulisoqarsinnaasarnissaa, aap qularnangilaq ilaannut ajussanngilaq. Kisiannili amerlasuunut inuttut pilersarusiorfigineqarnissaq pinngitsorneqarsinnaarpasinngilaq. Pingartumik ukiumi ataasiinnaanngitsumi sulismannngikkaanni suliffissaaleqisuuusimagaanniluunnit.

Taavalu suut suliffissatut neqeroorutigineqarsinnaappat tassami uani saqqummiussami oqaatigineqarmat eqqakkanik katersineq, nivassussineq, utoqqarnut pulaarneq, imaluunniit atuarfimmi meeqquerivinniluunniit ikiortaaneq. Siunnersumi tunngavilersuutigineqartut nunarput



tamaat atussallugit naammanngillat. Tassami taakkua taakkartorneqartut tassaapput aningaasanik atuiffagalugit ingerlatassat.

Isumaqpugut aningaasanik sulilersitsiniaanermut atuissagutta aamma aningaasanik isaatitsiffiusinnaasut soorlu ilinniartitaanerit, aalisakkerivinni sulinerit, pikkorissaanerit inuttut ineriartornissamut aqqutissat. Suliffissaaleqisut ataavarnerusumik pikkorissarneqartarnissaat immikkoortut tulliinut ingerlaqqittarnissaat ilanngullugit aqqutissiullugit kommunit peqatigalugit ingerlanneqartariaqartut.

Siornatigut inuuusuttunut kiffartuussiviit nunaqarfinni anginerusuni illoqarfinnilu ingerlanneqartartut soorlu sannaviit sanasunngorniarnermut allamullu soorlu pequsiornermut qamusiornermut qaanniornermut piginnaanngorsarnermut atorneqartartut eqquteqqinnejartariaqalerput. Tassanilu sungiusarneqarnertik tunngavigalugu sanasunngortartut aamma alloriartinneqartarpuit inuuusuttumut iluaqutaasumik.

Aammalu sinerissami misilittagaqarfigaarpuit sanaaluttartut sanaalussinnaasullu ataatsimut katersortillugit pikkorissarneqartarerat, soorlu ukkusissamik saanernillu qiperuisartut. Eqqumiitsuliortunik misilittagalinnik pikkorissaasulerlugit assut iluatsilluartartut taamaaliornikkut aningaasartuuteqarpallaanngikkaluarluta aningaasanik nunatta avataanersunik ilatigut takornarissat aqqutigalugit isaatitsinermut ilapittuutaalluartarmata.

Kiisalu assassornikkut mersortarfiit ammeriviit sinerissami pilerseqqinnejarsinnaapput. Qanga suliffissaqartitsiniutut atugassanik immikkut aningaasaliisarpugut kommunit suliffeqarfiillu agguaqatigiinnikkut akilersorneqartartunik.

Inuuusutorpassuit maani nunaqqatigut amerlaqaat assassornikkut piginnaasallit. Inuiaqatigiinni kiffartuussinerit inuuusunktuk sinerissami ingerlanneqartarnikuupput assigiinngitsorpassuarnik suliassaqartartunik. Aqqusinniornerit, Narsaasiornierit, Illutoqqanik iluarsaassinerit, Qalipaanerit, Piniariartarfinnik illuliornierit. Nunaqarfinni namminneq illuliortunut ikuunnerit sanaqataanerillu. Tassa inuiaqatigiinni ineriartortsinermi inuuusuttut peqataatinnejartartut aamma inuttut ingerlariaqqinnissami iluaqutigisaraat takussutissaqarluartarpooq.

Isumaqpaluarpuqut piaartumik suliffissaaleqisut ikiorserneqarnissaat sulissutigisariaqalerippuit ataatsimoortumik suleqatigiinneq aqqutigalugu.

Inuuusuttut sukkanerpaamik suliffissaminnek neqeroorfigneqarunik akunnerit 72-it qaangiutinnagit suliartortalissasut assut takorlooruminaappoq naammassineqarsinnaanersoq. Tassami aamma assersuutigalugu sivisuumik suliffeqarsimannngitsut ingerlaannavik suliartorsinnaanerat assut angujuminaassasoq takusinnaareerparput pingaartumik angerlarsimaffeqanngitsut eqqarsaatigalugit.

Inuttut inuuniarnikkut atukkagut assigiinngeqaat inuuniarnikkut artornartorsiortut amerlaqaat aningaasaqarnikkut naligiinngitsorujussuarmik atugaqpugut. Ilagut ullormiit ullormut



partii naleraq

inuuniarput. Uanilu saqqummiussami ilaatigut suliartunngikkuit ingerlaannartumik ikorsiissutinik piaaffigineqartassasut tamanna isumaqatiginngilluinnaripput oqaatigissavarput.

Ilaqutariit inissaleqisut imaluunniit inuttut ajornartorsiuteqarlutik ingerlasut suli qaavatigut artorsinnejarnissaat ingerlaannartumik tigusartagaarunnissaannik oqariartuuteqarneq taamaaliinnarlugu akuersaarsinnaanngilarput.

Ilaqutariit meerartallit suliffissaaleqisut suli inuuniarnermikkut artorsarluinnartunut taamatut aalajangersaanissaq ernumanaqaaq taamaattumik siunnersuutit nalunaarusiornissap itigartinnejarnissa innersuussutigaarput, tassami nalunaarusiat naammattut pigineqareerput aallartinniarta nalunaarusiat utaqqinagit.

Hans Enoksen